



石倉十二代詩選

三集卷四十六

少華集

大明

咸寧許宗魯著
後學曹學佺閱

十七夜同姚永川劉單父王元城楊張二

隱君賞月

連宵悵晦塞茲夕喜開霽海曜留光華天空豁
氛翳樓高河轉白竹響風漸厲眷此夜氣佳勃
然賞心繫開樽便露坐展簟臨庭砌扇影拂蟾
蜍杯光蕩仙桂微吟雜虫語長嘯偕鴻唳醉舞

側荷巾狂呼袒蘿袂念我同懷者夙締垂髫契
逮茲衰謝期共際昇平世相看俱素領感歎思
青歲少壯倏已徂如彼川流逝得歡且斯須身
後詎遑計載詠古交行令好無終替

送葛穉方赴河西幕

君乃上谷才遠赴河西幕山中忽相見故舊情
如昨神駿本爲龍屈蟄今成蠖驍騰千里步且
困塩車縛遙聞主將賢愛客特開閣相逢一二
語即訂平生諾日飲蒲萄春醉舞蓮花鏢歡言

魚水契不道殊方惡秋城與爾別霜葉繽紛落
丈夫輕遠遊爲賦從軍樂

古意

妾本河邊柳隨風不自持君爲上林鶯胡乃眷
卑枝栖息詎能久飛遷諒有期折此柔條贈寄
言長相思

歲暮送友人歸終南山

歲晏多霜雪山氣有餘寒君胡動歸輿結想在
岩巒杖策渺然邁遐蹤不可攀行與虎豹隣詎

辭登頓難北風振林壑誰念衣裳單曉拾澗水
飲暮採芝朮餐高居寡營業始信碩人寬吾亦
慕隱躅逝將從考槃

三月四日同諸子過慈恩寺曲江脩禊

已朝過未遠曲水名猶昔折簡勞宿期連鑣幸
茲集川晴日杲杲谷煖風習習園桃艷方熾隄
柳陰漸密瞻言指化城式燕布精室賞會自忘
倦興酣忽改席臨流撰觴詠披襟襲芬苾以茲
除不祥冀可迪元吉俯仰宇宙內泮渙形神逸

緬懷洛水濱聊嗣山陰蹟

家園雨集

居閒謝紛擾為園兼愛客時雨淨年芳名葩燦
春色開筵弄絃管酌酒集文墨撫襟惜齒邁延
賞忘日晏談劇一揮塵狂來或岬幘紉蘭襲幽
芬采石厲貞白念我與諸子幸產華胥國熙皞
屬時康原野沃膏澤農祥兆豐稔嘉穀登來麥
及此不為歡生年疇滿百既醉何所為酣歌頌
堯德

送董旣晉赴靈寶訪友因訊許令夫

十月霜始嚴君行欲何適言整關外駕載訪隆
中客雅尚輕遠途玄覽竟遙夕我心逐子邁愧
無晨風翼

曉霽登玉女閣

飛閣俯春湍清朝客倚闌煙光晴作彩山氣翠
生寒樹擁宮城闕林開輦路盤臨風懷玉女仙
珮下珊珊

聞警

秋色滿關塞風高胡馬肥山川鞞鼓震晝夜羽
書飛將帥虛金印征夫困鐵衣誰哉爲小范兵
甲解重圍

別友

天末關山路君行夜有霜僕夫戒車馬婦子具
衣裳背雁歸何極飛蓬恨轉長不堪垂老別淒
惻賦河梁

東嶽

秩祀嚴東土明禋冠五宗金函神鬼籙玉簡帝

王封海湧中宵日岩壒上古松何時凌巖窠飛
舉跨蒼龍

南嶽

昔泛洞庭野高攀衡嶽雲中天懸景象南斗應
星文拱揖蒼梧帝瞻依紫蓋君塵緣終自網回
首思氤氳

西嶽

華嶽雉三輔尊嚴朝百靈金天通瀨氣玉峽隱
仙庭谷邃遊秦女峰高卧客星秋風生羽翼吾

欲采芝苓

尹村別業同惠山人夜話

小別冬將半俄逢月正圓荒村同作客草坐共
談玄漫撥松枝火還烹石澗泉山城無客漏夜
久未能眠

曉起

無營常晏起况復是村居曉屋霜華重晴窗暖
色虛道心能淡薄塵慮已祛除枕上歸田賦
陽手自書

歷代詩選 明詩集
寺中同胡侍御夜坐

向夕山寒重禪堂靜不喧
偶來同燕坐相對各忘言
月白流松宇霜清翦柰園
浮生真邂逅去住不須論

遊蓮池寺

路入清涼界天開水月菴
慧光搖法海佛日浸靈潭
浦外荷風颺煙中柳色含
許詢禪誦侶長夏愛玄談

五日燕南峰王孫園亭

五日西園燕葵榴照席紅
賓筵招北海琴曲奏南風
桑落浮春異菖陽獻節同
因談競渡樂却憶楚王宮

何中丞園池同諸子避暑

爲園君獨勝避暑我還來
徑曲篔簹合池平菡萏開
息陰依茂樹納爽陟層臺
幸接高陽侶寧辭河朔杯

十二夜嵇隱君山亭玩月

林亭暮景幽素月傍岩流
蘿霧紛將暝松風颯

已秋蛩螿啼北戶鴻雁度南樓醉理登山策何
如天柱游

十三夜王元城席上對月

移席就明月清光信可觀當秋故皎皎幾望漸
團團鐘鼓風前急星河樹杪寒幸陪今夕賞况
復古長安

十四夜同諸王孫月宴是夕微陰

海上月將滿天邊秋欲分偶然當甲夜忽爾布
層雲兔魄頻移望虫聲亂入聞淮王空在座何

術散氤氳

十五夜南峰王孫邸同葉右史賞月

上賓秦相國賢主漢宗親序屬分秋夜筵開賞
月辰玉杯行瑪瑙翠釜薦麒麟忝列長裾後多
慙授簡人

送伯方還南山

惠連心尚遠此去意何如南谷動歸興西風訪
舊廬泉聲經雨亂林靄入秋虛聞有龍眠洞煩
君爲卜居

八月晦日酌山樓同韋西諸君子小集

登樓携賦客酌酒對南山秋漸同人老雲能共
我閒煙光三輔外樹色五陵間莫漫傷搖落相
逢且破顏

晚秋村居訪蔣將軍

東陵解侯印卜隱傷青門閒倚枯藤杖狂呼老
瓦盆鋤犁銷劔戟韜畧事雞豚若過霸亭下須
防醉尉言

送汪秀才宇從軍

客有班生者將圖塞外勲千金求駿骨孤劔佩
龍文路指陰山雪行穿熱海雲丈夫多慨慷爲
爾賦從軍

立秋前日夜坐

池亭入夜幽景物已知秋荷氣因風散螢光帶
露流靜觀移斗宿冥想極墳丘萬籟虛中發分
宵聽不休

早秋江墅作

殘夏暑仍在新秋涼未歸凌晨命野駕適興款

歷代詩選 明詩集卷
郊扉鳩拙終成計鷗閒早息機南風生樹底坐
袒綠荷衣

三月二日遊含元殿

芳辰臨上巳廢殿訪前朝地古佳名在時移王
氣消河山看表裏觀闕想昭嶢春草興亡恨行
歌麥秀謠

題汧池上新樓

何處滕王閣移來賀監湖窗涵波浩渺簷接氣
虛無風奏雲門樂霞張海市圖仙人王子晉日

醉小蓬壺

蘇惠夏夜池上

坦腹揮紈扇池邊卧月明竹涼秋意動荷靜晚
香生知止心常足忘機夢不驚無言絕交易魚
鳥自關情

立秋日曲江別業作

垂柳晝陰陰村居門巷深秋光來此日時序感
吾心水鳥沈浮浴風蟬斷續吟江皋餘暑在竹
下且披襟

歷代詩選 明詩集 九月十日登石屏王孫受月臺

未盡重陽興還登受月臺晚山分樹出朔雁帶
霜來白髮從吹帽黃花且泛杯臨高能作賦客
有大夫才

人日家宴同羣從兄弟

初年方出震七日又逢人載酒勤吾弟開筵集
所親雅歌棠棣什芳醴洞庭春自顧非康樂多
君惠我頻

送王宮諭允興赴召

整駕適初春鳴珂向紫宸經筵人用舊環召寵
維新黃閣絲綸秘青宮啓沃頻野人何所頌聖
主得賢臣

晦日東樓游讌

曲水當年襖章臺此日遊風光隨地好春色爲
人留麗質花爭笑纖腰柳妬柔一杯歌宛轉不
醉復何求

暑夜池上

衰年殊苦熱取適卧臨池竹吹枕邊發荷香露

歷代詩選
下滋野涼魚出水月白鳥驚枝暫喜炎歊謝長
吟清夜詩

秋日寄友

與君別後髮如絲君復何如未別時總爲新秋
頻入夢更因垂老倍懸思關河北望雲天迴鴻
雁南飛書信遲折取山中紫芝草臨風遙寄兩
三枝

送顧子行赴南都

秋風相送赴金陵江左風流繫遠情十地道場

牛首寺六朝王業石頭城玄亭客過同刪草驄
馬人逢尚避行知爾仕優勤問學著書當不讓
更生

寄馮伯房御史

夏口別君今廿年地偏書札迥難傳遙聞御史
如桓典且喜諸生有鄭玄老去交情懸楚澤秋
來離思滿江天雨花臺上登臨處寄我雲霞賦
幾篇

除夜同張隱君劉秀才諸君子守歲

歷代詩選
鐘鼓聲中夜色闌興來翻愛酒杯寬當筵雙鑠
身還健剪燭留連客共歡銀箭傳呼催漏短錦
屏羅列護春寒諸君不醉無歸去明日今宵隔
歲看

中伏日同姚永川王元城北樓避暑

北樓雄峙古長安百二秦關掌上看粉堞雲連
遙入望綺疏風動戛生寒閭閻向夕煙光斂城
闕迎秋樹色攢幸接高人河朔燕醉歌瑤瑟倚
危欄

戊申除夕

荏苒光陰值歲除燒燈獨坐意何如病餘陶令
長辭酒老去虞卿懶著書已分年華隨水逝卽
看春色上梅初祇今六十從前事烏有先生賦
子虛

正月十四日汧邸燈燕遇雪

長安霏雪滿山川帝子張燈令節前六出花明
流夜月九枝光煖結春煙仙倡玉樹調新曲上
客瑤華擬鉅篇十載王門枚叔老強將衰白侍

賓筵

立春日汧邸春宴

應節梁園芳宴開
君王折簡召鄒枚
五辛旋出迎春菜
九醞頻稱獻壽杯
綵袖驚鴻風宛轉
玉簫吹鳳月徘徊
宮梅苑柳爭先發
不用連宵羯鼓催

送栗憲使歸潞安

東風遙指太行雲
心逐歸旌遠送君
上黨泉丘成隱計
北山猿鶴罷移文
層霄劒氣青蛇舞
午夜琴歌白石聞
從此赤松長作伴
餐霞餌朮謝人羣

送徐公子省侍東歸

美髯公子譽常聞
綵服趨庭喜見君
出塞自方班定遠
入關人慕漢終軍
衣沾雨色明池柳
劍吐蓮花射岳雲
歸去過秦知有論
洛陽年少本能文

春日園居雨中作

南山雲霧暗
長安坐惜芳菲欲
向闌海燕歸遲

歷代詩選 明詩東坡 卷三
春色暮谷鶯啼劇雨聲寒柔添柳線垂金水濕
着花梢壓繡欄安得東風開暖霽曲江騎馬恣
遊觀

中秋夜王給舍宅陪郡守李公月譙

華筵不羨李膺舟明月還同庾亮樓四海襟期
聯上客萬家砧杵屬中秋風生爽氣飄談塵露
下晴光射酒甌擬向佳辰拚盡醉何如天柱雨
中遊

重陽後日同成長二馬明府雨集薦福寺

行樂前朝寺登臨茂宰俱賓筵猶泛菊仙馭並
飛鳧賞洽禪林爽歡畱佛日晡嘗新傳橘袖隨
俗佩茱萸雨外鐘聲落雲邊雁影徂憑高一引
眺因識舊皇都

夏日閒居

漸老遠塵慮乘閒耽索居庭軒初日永花竹尚
春餘久止杯中物長拋架上書園荒同仲蔚病
渴似相如擇木從它鳥栖淵信我魚行藏何所
寄隱凡讀潛虛

閏九月九日同諸子登高賦

閏九仍佳節重陽亦勝遊
高臺同客上野菊爲人留
入望河山古驚心歲月流
紫煙三輔夕黃葉五陵秋
戲馬思雄畧賓鴻動遠愁
歡歌延落景餘興賦登樓

春日遊興慶故池

昔是皇家苑今爲藩國池
景龍餘舊號花萼尚殘碑
鳳館榛蕪合龍舟歲月移
藤垂千尺蔓樹拱萬年枝
芳草王孫賦霓裳帝子辭
翠盤懷妙舞玉笛想橫吹
佳麗前朝跡興亡異代時
乘春聊命賞覽古一興思
海變旋成陸臺傾已就夷
援琴歌慷慨徒感雍門悲

春興二首

野霽花爭放川長柳漸齊
春光更何許多在杜陵西
山晴猶帶雪溪暖自宜風
散步閒來往春生杖屨中

城南遊覽懷古

歷代詩選 明詩東傳 五
楊柳今無渚芙蓉舊有園請看蒿里地卽是樂
遊原

寄遠二首

西望夏州城迢迢幾千里思心何所寄欲泝黃
河水

終日望君還悠悠芳歲闌眉峰愁嶂岫如彼賀
蘭山

題謝文學雜畫冊

山雨垂未收溪雲低拂樹禪林杳藹中孤磬流

煙霧

草閣生晝涼南風滌炎暑幽人坐忘言靜聽泉
石語

劉進士思敬妹丈約東城看花他客所奪
作此謝之

看花自是閒人事却爲看花盡日忙十里名園
空在望忍將春色負劉郎

石倉十二代詩選

三集卷之四十六 終

... 卷之四十七 ... 關中張治道著 ... 後學曹學佺閱 ... 三集卷四十七

石倉十二代詩選

三集卷四十七

太微集

上

大明

關中張治道著
後學曹學佺閱

終南山行

山水欣自昔整駕酬今賞
平明陟崇岡亭午歷山壤
攀梯眺崎嶇步壑聆清響
佳蘭茂幽谷驚猿隱林莽
乘危憩復凌躋嶮惚以恍
奔峭過如馳弱葛捫疑網
塵慮頓盪滌幽襟發蕭爽
歸徑迷始適來景殊初想
盤紆遵曉曲豈爽恊俛仰

歷代詩選 明別五集
檻泉流感沸山堂赫弘敞徒倚不知疲扶疴竟
攸往

山行

城市苦鞿束挺轡入川岑臨流翫迴轉倚山眺
崎嶇層雲蔽白日涼風凋翠林去矣不顧返隔
水聽樵音

自南庄歸城市

夙興厭寂靜急馳宥郭城初日隱寒霧朝霏薄
林坳樹鳥喧未出曠野無人行草木凋蕭霜川

澤紆園亭振策歷平莽宛轡沿迴汀伏事苦疇
昔世網今詎櫻暫入塵囂境恐隨俗務情回轍
在須臾里閭難久停

雜詩

虛寂抱深感眺瞻媚晚晴起對庭樹間有鳥名
倉庚蕭蕭整羽翮喈喈發音聲徘徊久不去相
視空含情安得有羽翰從爾飛且鳴

江邊

江邊春意動倚杖時閒行欣欣花草發喈喈禽

鳥鳴匪直感物變聊復得吾生比年惟卧病今日始身輕

秋夜柬許少華

林園何寂靜况復值秋時涼氛侵戶牖積雨滿
陂池仰看木葉墜俯視逕草稀簷前蜻蛚鳴階
下熠燿馳孤枕厭單宵寒燈愁薄帷于焉阻歡
謔何以慰佳期雖有一尊酒明日難再持詩人
戒不樂逝者已如斯

望未央宮

晷運互以改倏忽良節旋佳芳隕霜露疎菊冒
丘樊登眺遵曠哲臨危眷術阡宮雉遙相望山
川遞盤桓炎祚豈再噓堯裔胥已遷寒雲覆頽
堞連雁下秋湍闕城盡蓁莽芻牧往復還慨古
既難覲撫今亦不延歲序日來逼煩疴遞相纏
感茲興廢理淚下如流泉

懷遠人

含慮向夕陰幽抱空自持懷遠覲靡因馳想眇
屬期矧值歲將晏坐此清夜池揮椀不成醉佳

歷代詩選
人詎在斯

冬日

嚴雲結崇朝，淒風扇屢夕。
荒階委蔓草，凍泉依陂澤。
潛魚寡輪鱗，寒禽無逸翮。
曠莽斷行徒，哀猿嘯危壁。
亘野草木零，當場禾稼積。
改節秋忽旋，遞景冬復值。
佳人遲未獲，何以展離戚。

東康對山

役役徒自擾，悠悠乃其真。
觀世孰非然，造化豈煩論。
達人恣放曠，良士苦逡巡。
所見苟不早，所

蹈眇難因，示華無中璞。
實以累厥身，幽蘭人不
知舉世挹清芬。茲理久沈寂，聊爲賢者陳。

書懷

日月逝不淹，方冬忽復春。
予美何遲暮，令我傷心神。
仰視雲間雁，高高北去秦。
欲寄故人書，涕下沾衣巾。

深院

深院靜無人，空庭惟鳥雀。
卧看山雲生，坐數林花落。
美人胡不來，孤此春晝酌。
當窗一峰懸，相

對兩蕭索

曉起往江浦途中作

挺轡凌朝暎望望美人楫逶迤川路狹杳靄林
煙飛禾黍蔽原甸鳧鷖滿陂池仰聆條上蟬俯
拾園中梨連林越碧淙攬衣陟危隄俛仰意已
偕馳驅心詎辭耽翫厭行邇延賞恨靡遲謝組
罷纏綿幽閒終在茲

詠池中孤雁

青雲厭羣飛綠沼喜單漾刷羽動孤光逐藻翻

輕浪飡露獨荷陰就日片石上無心念稻梁矰
繳亦須放

懷遠

獨坐寡紛囂屏迹絕游衍適志遵華池含情引
芳翰明月照幽閨涼風吹廣甸嫋嫋繁星垂湛
湛清露散幽意忽不愜矯迹發長歎人非金石
頃孰不生顧盼顧盼良爲誰所思在高彥高彥
不可同淚下疾如霰

山遊

歷代詩選 明弘治 五
薄遊情未愜耽翫興始邁陟嶮攀危條挹泉接
飛溜徑峴異迴復澗谷殊昏晝歷曠頓如坦行
側復如竇凌晨已攀躋落景尚馳驟來景霧已
暝去路山忽逗哀猿嘯已前猛虎啼復後回步
迷始適攬衣戾前就倉忙履中野淒淒心如疚

襍詩

好鳥翔春華肅肅振羽翰矯首不能言向我發
長歎借問歎何爲逢時良獨難方見春華開坐
見春花闌一朝委霜露好音將誰宣奮翼凌山
谷免教傷摧殘不見雲中鶴松柏常自安

答對山喜余過滄西之作

相期指仲冬及春始趣陸去去滄西曲望望美
人屋日晏抵石門稅駕憩林簌曲岫激回湍懸
崖蔭脩木旣獲栖遁心復愜游賞目尋迴攀危
蘿歷嶮探幽谷愴舊情已愜感今意詎束顧盼
絕塵氛探論有篇牘年往驚會澗時來愴別速

種竹

窗前種幽竹彷彿青琅玕涼風來許許五月生

歷代詩選 明張正衡
微寒千畝復何爲數枝凌雲端蟠根蛟龍蟄結
實鳳皇殮幽人常對此頓覺神氣安刻詩紀幽
興把酒忘林巒風霜收故籜看着竹皮冠

日暮自少陵散步抵山下

逐波厭纏綿違好敦孤尚解組入山林葺宇臨
泱泱翠草階下明碧瀾石中漾獨坐絕沈吟拄
杖恣放曠歛衽陟危壁開襟坐層嶂茗茗峰巒
稠叢叢泉流暢旣諧山水吟又恊谷中唱日暮
獨歸來沈寥起孤愴

行樂至杜陵作

撫序抱幽衷開秋展游眺靡靡金氣肅慘慘白
日照川岑淡無色林草謝昔貌鴟鳩向人鳴鴻
雁臨風叫雖無盈尊酒聊以舒長嘯

雲霽郊行以白雪停陰岡爲韻

乘旭步林臯滿目何蕭索鳥雀喧郊暮霜華昂
林白寒雲卷微葉凍泉通細脉逝矣無留光感
此生促迫

二

歷代詩選 明別集卷之七
促迫情靡依躋嶮展游閱糜糜道傍草皓皓川
上雪開逕通林薄築室倚崑穴坐見南山岑頓
令神志悅

三

志悅甘屏居節變歲靡停地僻崇幽念俗遠益
孤情覽曠心已豁思玄意靡局身外卽囂紛丘
中坐沈冥

四

沈冥抱幽念殊好寡諧音棲山厭朝寺戀闕嗤

泉林道義苟靡乖安用生機心得已豈在佗倚
杖南山陰

五

山陰窺霽雪所懷何多方睖深歷層壑睇迥陟
危岡悴草日夜零寒鳥西北翔徂生無淹景衰
謝生悲傷

晚自北原沿龍渠抵南原作

曉起坐北崑畢景趨南陸落日在高林寒雲蔭
脩竹石磴旣屢盤泉流復回屬雪含沙嶼明風

歷代詩選
明
驚听篠撲凍泉遞隱響寒鳥引歸儵沿溪恣探
歷振策騁追逐薄暮抵南原回首北原木樹杪
望巖洞林端見村築邇償游賞心遠愜眺望目
憩石緬回蹤倚柯認來躅詎非靜者懷孰構崑
下屋匪直遠喧囂是用契幽獨投跡永年歲那
能傷塵俗

郊行

久寄塵中跡忽爾出郊遊極目見迥野携杖步
崑丘曙煙俯林際病葉委道周地幽興旣愜跡
遠慮復休撫景寡偕悟感念生煩憂

客來坐池上把酒漫成

滴水從東來西流何浩浩匯作門前池沆漭似
滄島構亭亂水中鷗鷺日相從秋風動微波波
靜涵天空十月天風寒霜墮百草乾池邊萬楊
柳枝葉亦摧殘挾酒逢君來與君池上坐魚遊
寒波深鳥鳴秋樹過四野何蕭條覽之發長謠
詩云可忘飢况乃遠市朝我本落魄人若亦浩
蕩身醉後莫高歌歌動蛟龍噴

歷代詩選
秋日山居東周午谷

謝職歸故鄉十載卧秦川尋幽開洞壑入迥眺
殊阡前對終南山千峰遙相連不遠城市塵宛
若蓬萊邊雲霞散綺色鷗鷺鳴青田秋猿呌孤
月寒峰挂飛泉太乙在足底搔首揮雲煙日與
殮霞客吟弄秋水篇服食身已輕有若麻姑仙
仙人好樓居于今幾千年聞君有道術飢食黃
金丹天鼓不須扣聲鳴頭顱間倘如遼東鶴千
載一來還

戲東張太乙

我聞蓬萊山巨鼇載不動上有扶桑枝結繭大
如甕纒爲仙人衣五色光陸離服之朝玉帝翩
翩彩雲飛爾本仙人流煉丹三十秋白髮近已
多不見升天遊我亦厭世人欲登黃鶴樓道成
如有約從子訪崑丘

送熊子修按蜀

之子不可留相別長安城把酒一相送轉見春
花明開筵對秦川弔古生餘情回首浮雲外錦

江與天平江水元東流經過漢皇州倘逢雙鯉
魚問訊曲江頭曲江古勝地遙對終南幽池館
雖荒涼夾岍餘古楸君歸定幾時携手一行遊
昭君怨

驄馬指龍庭玉關曉夜經羅衣霜凍折翠袂淚
痕腥脂冷琵琶澁風寒翡翠零漢宮無限恨曲
斷更誰聽

驄馬

俠客青驄馬無論白鼻騮長鳴辭漢道遠噴入

胡沙雪裏分雙竹風前散五花章臺沽美酒今
夜醉誰家

有所思

雪滿榆關樹花明漢苑春十年從戰伐何日是
歸人遠塞風霜苦高樓涕淚頻只因千里道又
負柳條新

雨雪

朔雪慘旗旌將軍出塞行梅花何處發一夜徧
龍城絮遶白登暗花飛玄兔明笛中吹不歇總

是玉關情

鬪草詞

天桃紅似綺芳草碧可拾偶過東園中女伴相
喧集眉間翡翠貼袖上鴛鴦織綽約出素手婉
變見柔色衆草棄不收奇芳笑爭執引臂玉肌
側鮮衣香汗濕歸來惱不禁輸却瑤華簪

行路難

君不見見長安城中大戶家昔日貧賤今豪華方
其貧賤時窮巷人不知卽今富貴年海內慕其

賢周身皆綺羅結屋亘術阡出門擁車騎入門
奏管絃五侯夜過驂騑馬七貴夕開玳瑁筵舊
時貧賤相交客今日不敢論疇昔人生意氣當
如此何爲窮困守經史君不見揚子草玄遭客
罵嵇康養生亦橫死明朝拔劔拂衣去不作尋
常兒女子

長歌篇

君不見見淮陰里中屠狗兒風雲未會常忍飢神
物一朝排天闔肘邊金印如斗垂男兒際遇有

如此草露功名安足奇又不見留侯面貌一婦
人食前借箸計何神功成須伴赤松去蛟龍變
化誰得馴古來英雄今豈無桂茵申椒愁荒蕪
海底冥冥網罟隔蒼流播却青珊瑚况乎風塵
時瀕洞寒臬解逐丹霄鳳四皓長歌紫芝曲天
南未見白雉貢卽今誰是豪傑才拔劍擊柱歌
聲哀國無主臣國之災眼底紛紛何有哉帝師
王齊名非假當時已知非凡材驥子鳳雛終豈
秘北山東海非吾意黃石未遇無鄼侯且從湖

海泛扁舟豐城寶劍雖埋沒夜夜光芒射斗牛

楊白花

春風一夜飄楊花不知楊花落誰家楊花落處
春婉婉困倚東風恨春晚山桃開罷小桃開楊
花楊花飛去來

過雍尚書先生墓

東風落日山之涯北有少陵南滴陂松柏蔦蔦
石麒麟園亭荒蕪埋荆綦碑辭高攀尚書字乃
得先生歸葬地當時微起自江濱十年不復事

歷代詩選
明別正錄
垂綸一朝解職來江上謝安猶係蒼生望昨夜
風雷櫪馬驚江邊遺却桃竹杖墓前春草白日
閒終南龍嵒水潺湲徬徨欲挂延陵劍只恐公
魂招不還

太華歌上馬欽湖先生

西來羣山相糾紛太華之上凌白雲三峰縹緲
幾千丈下有黃河日搖蕩神靈擘山山爲開巨
跡高掌乾坤壯中有仙人紫洞存霞杯未移雲
旗翻祥光亂擁金童節甘露高承玉女盤我聞

太華山仙人多來往中有白石壇芝草參差長
仙人手把芝草吟琅玕赤龍皓鶴相追攀有時
坐讀青苔篇希夷茅龍萬古傳希夷洞在太華
上幾度尋幽神悽愴借問先生倘去時余來爲
執桃竹杖

襄陵酒行東何大復先生

長安臘月十日雪北風吹地地欲裂大復山人
上堂仙招我並坐開華軒飲我襄陵之美酒頓
令霜臺生春煙麻姑金華不足傳古人空欲向

歷代詩選
明
酒泉嗚呼此酒真難得
梨花片片落瓊筵
筵上豪客余與劉
酣飲狂歌醉不休
玉液纔傾琥珀盞
寒光已動鸛鷖裘
醉後騎馬踏月行
白眼望天天欲傾
劉伶好酒不再得
張旭徒傳草聖名
朝來示我襄陵歌
猶憶昨朝金叵羅

雨
雨中聞雁

昨夜西風吹星落
今朝山雲飄飛閣
山雲飛入五陵樹
雲樹蒼蒼雨如注
杜陵韋曲草復黃
鴻雁南來空斷腸
雲裏不傳尺素書
枉含宿雨達

瀟湘

古鏡篇

寶鏡鑄成當何年
一夜風雷沙峴顛
山人得此滴水邊
向我問是何代傳
涵屑結鏽形如鐫
濡膏漬液垂龍涎
拂拭朱光赤道纏
皎如滄海月團煙
吾聞古物及千年
此鏡更在千年前
字畫剝落縮復拳
恐是羲皇遭棄捐
不然秦漢遺何埂
障沙逃垢形不愆
破膽決獄神光全
鸞魅魘魍魎逃山巔
蛟龍鬼恠藏深淵
山人聞之意甚憐

歷代詩選 明別正錄
持向市人求萬錢三日不售飢如穿歸來擲棄
石上眠嗚呼今人不好古古物徒令埋塵土君
不見天球翠甕海島中世人那得光芒覩

詠龍池古藤

龍池石樹生交加上有古藤相盤拏大枝糾纏
古柏死小枝蜿蜒垂青虵春風再發百丈絲能
牽別樹最高枝高枝曲蔓不可解彷彿太陰雷
雨垂沈香亭畔石闌干根古疑是蛟龍蟠霜雪
白能老枝榦風雷不受相摧殘當時游衍妃子

喜畫閣朱欄半臨水舞袖千迴芍藥邊鶯歌百
轉垂楊裏芍藥垂楊不可見古藤裊裊凌霜霰
日暮江南天際陰北風凜凜生蕭森

錢都督行

先朝貴倖皆屠賈都督錢寧無與伍十五奔趨
宦寺門三十坐守將軍府將軍猶專錦衣權摧
山轉海似波瀾朝騎廐馬歸雙闕夜擁朱輪出
禁垣雙闕禁垣晝不開豹房虎圈鼓如雷此時
天子著戎衣都督冠劔從中來別有通衢起甲

第畫館朱樓相虧蔽萬里樓船送錦石三江水
客迎金幣金幣來萬方富貴凌中鎗坐卧朝堂
側謔浪天子俯祗緣執手勢可熱公卿奔走同
王侯就中別有爲人地朝呼匹夫暮大位海國
明珠不足珍功臣餞券尋常事古來富貴誰可
倫賜姓還稱義子恩片言能回天子意一笑寒
谷生春溫誰知富貴不常保須臾世事生醜好
鄧子銅山枉鑄錢石家金谷生秋草黃衫校尉
馳紫驪都督騎驢東市頭但見青苔生網戶不
聞紅粉墜高樓平生結交是何人恩情轉眼成
灰塵臺榭復爲中貴有池邊山閣自嶙峋生時
金玉如糞土死時不得一文覩寄語少年無賴
兒莫將豪俠干明主

夏日觀飛泉

青龍夜噴蒼山裂一道寒光曉飛雪直下疑通
滄海深懸流只訝銀河泄翠綆空勞汲玉井砮
礮散落無留影醉裏消因石髓香吟邊苦助松
雲冷五月炎飄火山風玄池丹井碧流空山焚

何處覓寒玉白日分明矯赤龍百尺裊裊青雲
下當年一啣千金價杜甫狂吟苦不遭相如消
渴今還罷脫帽開襟坐石磯噴珠濺沫寒侵衣
安能分作千萬派乾坤一洗紅塵飛

經唐楊貴妃墓

秋風夜鏘鳴香殿金蓮吹倒六宮燕千門蘭火
照曙光春挽香魂開鳳幔此時妃子醉未醒李
郎帳暖梨花酪嬌顏一自啼春城霜草誰埋香
骨冷細馬塵中空繡鞍月明道上落金鈿北來

腥風汚眸子胡兒空憶萬金錢

題扇面泛舟圖

天風不動波如席白雲眇藹青山隔中有幽人
淨放船蛟龍失吞魚生脊坐觀似是鴟夷子曾
連亦稱滄海客蒼林插地鼉鼉睡江水連天遙
空碧我亦欲泛滄海船風塵不到三山巔畫中
幽人爾誰是拄杖長歌白石篇

秋夜聞笛

秋風夜響生空壁木葉颯颯蛩聲寂深院無人

烏夜啼坐聽隣人暗吹笛浮雲旣薄月復白笛
聲散入長安陌長安陌頭人行遊一聞笛聲雙
淚流十年爲客別鄉郡異域風塵催白頭何處
忽聞他鄉笛何人不起故園愁故園池臺千萬
里弱齡辭家今壯齒季子衣邊塵土生仲宣樓
上哀歌起哀歌今夜是誰家飄揚斷續橫復斜
高入寒雲亂彩霞輕隨微風散落花彩霞落花
風月清關山夜伴搗衣聲聞笛今夜知何處今
夜明年空復情明年今夜催人老笛聲夜怕憂
心搗我寄愁心與笛聲隨風飛入長安道

十一月二十日大雪余方擁被獨坐適陳

賓相送桑落酒至開瓶獨酬清香透骨
得詩一首隨使奉答

北風吹雪雪滿川壓我茅屋屋將顛寒鴟飢烏
啼不下長松倒挂虬龍懸萬樹梅花不受凍苦
竹清冷晴窗前太微山人履欲穿曉起抱杖寒
江邊何處美人來送酒桑落久失今忽傳挽衣
一飲石上眠醒時卧煖蒼溪煙

歷代詩選
卷之五
答胡濛溪登白華山圓通寺望香臺絕頂
我聞白華之山天下稀金宮窈窕雲霧飛香臺
遠在白華上松風萬壑吹人衣聞君幾日遊終
南歸來詩草生煙嵐他日欲往隨君去長竿釣
落三龍潭

竹屏歌爲費時茂賦

昔日誅茅君構亭園中竹樹何青青謂君剪草
勿剪竹他日堂成可作屏今日開門竹窈糾離
哉高飛翠鳳繞宛轉行通戶外人玲瓏暮下雲
中鳥聞君號竹屏屏下日婆娑芙蓉翡翠不足
多把筆贈爾竹屏歌

宴管汝濟宅

相懷已有日相過本無期燈夜開林館江鄉對
酒卮簷風吹雪散窗月度雲遲况復聞新詠那
能不醉辭

蔣子雲宅贈黃子

張翰將歸日黃生始識年風塵看弟妹芳草滯
樓船島嶼冥冥色江帆裊裊煙計程千里外幾

日到南天

與劉士奇王允升薛君采夜話

入夜杯仍把論文淚暗揮醉憐城月上愁對海
雲飛江漢三年阻風塵萬事非故鄉南北遠猶
恨不同歸

清明宴諸友作

野興春城發清明遠道看塵沙憐塞國芳草憶
長安深夜杯仍把東風食尚寒故人聊共此貧
病強盤餐

聞雁

何事天南雁春來又北飛為憂霜雪苦轉見羽
毛稀江漢慚余阻瀟湘笑汝達雲霄蹤跡異空
有淚沾衣

對酒

挂冠歸舊壑恬曠更何思但恐青尊盡誰言白
髮滋輕風吹烏毳晴日下蟲絲淫滯誰復道年
光具在斯

閒園懷左子

落日乘風榭開襟對石筵花林啼暮鳥竹嶼響
奔泉坐覺雲生樹行看月滿川懷人常不見愁
思轉依然

螢火

流螢何細微入夜傍林扉避露凝花景乘風散
竹輝月臨須暗度星亂擬爭飛莫待清霜下相
看何處歸

十五夜對月懷京中友人

三五中秋月空山獨爾看遙憐京邸客誰復對

雲端河漢金波濕衣裳白露寒飄零今見汝回
首憶長安

秋野

秋色垂荒野秋堂動碧虛仰看南去雁不見北
來書世事風塵裏行藏詩酒餘近聞滴水上蕭
爽可安居

又

卜築樊川右逸名亦避喧正愁聞塞雁獨步聽
林猿寒日雲霞眇秋花霜露繁關心今日事虛

寂與誰論

雪霽

春江雪霽後正值遠人來策杖行青草穿梯步
紫苔幾多沙鵝泛無數野花開走覓南隣老經
旬出未廻

春日草堂

杜里仍名曲樊居尚有川市朝人已矣陵谷井
依然原倚新開屋泉分舊灌田春來花滿樹猶
向草堂邊

日夕

茅屋荒原畔柴門亂水傍菰蒲廻釣艇鳧鷺上
漁梁移坐防崩岫開筵對築場村童不愁思日
夕下牛羊

三月三日

遲日麗芳甸和風扇碧林叢條旣總翠佳樹亦
分陰草逕飛晴蝶脩枝轉鳴禽逍遙曲水畔聊
以滌塵襟

入城會友人

整駕歸城市天明雉堞分白露在豐草青山落
片雲如何其寂寞還此趨塵紛不見佳人至悠
悠傷別羣

鑿池

清泉分碧沼斷岬引溪魚不謂能游衍深堪慰
索居微風牽紫荇細雨落紅蕖晚日幽亭上披
襟興有餘

寄馬仲房

上書心已切出守事偏宜不遣長沙去空憐賈

傅悲還家多便使之郡有佳詩暇日勞繁翰遙
將慰所思

重遊華嚴寺

蘭若秋風晚重來值雨晴洞穿白霧入山接翠
雲行問法高僧去焚香惠子迎荒臺一以眺惆
悵此時情

山行柬友人

斑杖移青草丹砂恨白頭幾年行道路今日卧
原丘歲月難相假山林好共遊朝來應盡興回

歷代詩選
明張孟孫
首暮雲愁

少陵南望

高原幾千仞登此眺三川
風日雲山合江村草樹連
去天無舊里易地有新阡
尚見東流水還來杜曲邊

晚霽

殘霞收夕霏遠水亂清輝
隔竹泉聲細當簷花氣微
晴光搖徑草暝色上荷衣
徒倚日將暮還看鷗鷺飛

代弟次韻西陂詠竹見寄

由來本愛此非是比封君
輕雨飄寒籟空庭落翠芬
卧聽風引籟坐見晝生雲
况接高人詠清標更不羣

飛泉

紫岍懸危竇青雲墮碧流
濺花成淅瀝入竹散清幽
色借林塘好聲含歲月愁
莫言一注細洗藥更何求

夜雪

歷代詩選 明別五集
茅齋何處寄寂莫少陵隈浦暗江雲落窗明夜
雪來單眠那可度幽抱不能開早起誰相訪深
山與問梅

党真一道院宴左子

十載遨遊地今來轉自憐林間聞鳳吹竹裏對
仙筵雪淨瑤壇草雲開石井蓮昔時同卧榻還
擬共君眠

永壽園亭

詞客春遊早賢王邸第開竹深無路入果熟有

禽來碧水搖亭牖青山落酒杯高城日已晚携
手共徘徊

又

碧水銀床下瑤臺石檻圍魚翻菱葉動雀啄柳
花飛北斗連霄漢南山接翠微淮王能好客不
醉莫言歸

晚上牛頭寺

東林西日沒杖履遠相依古殿通花逕殘僧候
石扉月中雙樹影雲裏七燈輝坐久終南見還

歷代詩選
明
堪望翠微

季夏卽事

季夏仍淹暑微風颯已涼驚蟬吟白日喧鳥浴
金塘秋意山山落芳芝澗澗香洞中人不到爐
火對匡牀

遊常盛方寺

路轉曲通寺門開直向川鶴飛常俯錫魚戲半
依蓮法座分青竹經壇出翠泉誰能捐世慮相
與共逃禪

傷春

感茲歲華新因懷童稚春卽今非少壯習俗任
他人水石江邊客煙花病裏身誰能拋物候值
此未傷神

對月懷友

山暗雲常住江明月正懸空林含暮景遠水接
長天易下花時淚難消病裏年登樓同醉客寥
落幾人全

石倉十二代詩選

明三集卷四十七 終

天

雲

月

水

石

山

松

石倉十二代詩選

三集卷四十七

太微集

下

大明

關中張治道著
後學曹學佺閱

聞警

年年備胡虜歲歲出兵戈
不見單于幕空聞將帥多
明時痛賈傅 聖主憶廉頗
今日尤堪慮 春來早渡河

山居書懷

高齋落日低獨坐意淒淒
樹葉風中亂山禽雨

歷代詩選 明張孟雅
後帝泛舟歸別渚洗藥過前溪莫問他年事乘
閒且杖藜

望雨

山閣空雲色江樓盼雨過蒼生煩惱望白日阻
滄沱蟬螀元相病蛟龍祗自多鄉園愁獨立搔
首一長歌

野望

野望浮雲靜長吟落日暉暝煙隨鳥宿秋色帶
人歸風入蓮房落霜飛菊蕊稀登樓休作賦恐

有淚沾衣

秋日野望

秋水漫平蕪秋郊客與孤川空飛白鷺潭靜立
青鳧岼菊開還映園藤引更扶卽看朝市遠不
必問江湖

山居東谷子在過

地僻人遊少情深爾獨過喜攀村市酒醉唱接
離歌崑谷鳴幽鳥庭松罥女蘿山陰興不淺共
卧碧山阿

歷代詩選 明別正集
村居晚興居杜甫故里

石洞隨山入柴門對水居雲迷塵士駕竹隔古
人廬水白魚堪取霜紅葉可書南塘望秋色落
日命中車東谷子詩

春夜雨

微風飄閣夜暮雨下山雲知向花邊過因從竹
上聞卧聽傳樹杪側想漾江瀆明日柴門外沙
鷗定幾羣

秋夜林卧

秋夜林中卧逍遙暑氣微遠天圍野樹新月到
柴扉竹暗螢偏照松高鶴不飛山齋暫無事幽
思轉依依

雨霽樓上

雨霽偏凝眺登樓更有情青林開晚嶂白日下
秋城天遠雲霞色江空木葉聲興來還自竚極
目九霄平

送郎中士奇使蜀

北闕傳恩遠西曹奉使賢簡書辭帝里旌節度

秦川江靜春帆送天青蜀道懸錦城多勝事暇
日有詩篇

日晚樓上懷遠

落日五陵邊雲山晚接連登樓一以眺秋色正
堪憐野水浮高樹歸鴻帶遠天懷人空佇盼離
思轉依然

晚晴牛頭寺

日落山隨鳥雲開樹影樓隔溪分野色憩石聽
泉流月下禪庭靜花飛古寺幽閒心與生事此

外更何求

對山宅宴東谷子用老杜韻東東谷子

送君千里道正值秋霜時高城下木葉虛館動
涼颼坐對今宵酒行歌前日詩相逢不盡興相
憶若爲期

初四日宿元通寺

夜宿元通寺西崑月已沈松齋雙樹暝羅幌一
燈侵竹裏來僧飯雲邊過梵音禪房聊寄跡深
得靜中心

正月一日

病裏悲年暮，天邊感歲新。
山梅猶抱臘，江柳欲開春。
淫滯杯中物，飄零海上身。
繁華人共樂，寂寞莫自親。

山居柬許少華

杖屨誰相引，園林只自遊。
懷君池上坐，聽水竹邊流。
多病驚衣帶，生涯倚釣舟。
功成倘卜築，共爾卧原丘。

送王汝平宰蔚氏

陶君彭澤化，潘令洛陽春。
自古絃歌宰，多稱翰墨人。
文章元飭吏，風俗自歸淳。
他日雲霄去，爭攀繡服新。

歆湖園中

春盡斗城東，看花訪謝公。
登樓上竹霧，開閣進梅風。
詩句青山在，生涯白髮同。
招尋如不廢，來往暮園中。

答對山鹿苑見寄之作

柳暗籠池雨，花明鹿苑春。
經過勞駐馬，眺望復

歷代詩選 明陽詩集 五
傷神城郭憐余病郊原羨爾身杜陵卜築近千
載愧高人

林下晚坐

岍幘坐青林楊園聽鳥音山光來半席幽事破
塵襟詩句江湖遠年華杯酒深門前五楊柳常
日晝陰陰

秦府園中會同年作

雲霧終朝坐園亭七夕遊涼風生遠樹明月在
高樓回首看河漢寒裳問斗牛誰言別離苦今

夕又逢秋

冉冉

冉冉日初落微微秋未分謀生空有計學道更
無聞石鼎千年火金箱五嶽文誰能超世慮共
訪武夷君

上牛頭寺

何處山人館相看似畫圖崑花飄客坐野水到
山厨池靜魚偏躍林深鳥自娛閉門成大隱不
必著潛夫

觀獵

落日郊原靜山風草樹流馬鑣分野色鷹眼破
高秋天遠胡難見沙明兔不留少陵元獵地千
載暮雲愁

期何伯直過南庄不至

城市風塵滿山林興味幽遲君詞賦客共我坐
滄洲燈夜虛村酒沙灘笑白鷗不知何水部幾
日過扁舟

登慈恩寺塔

半空坐寶塔千里望平蕪野水沈秋影青山似
畫圖珠光照白日雲色度蒼梧千載登臨地相
將典不孤

雪霽池上

凍雲開霽雪寒日隱晴霞鷺冷團危岫鷗輕帶
淺沙北風吹石戶野水到山家賸比春朝好林
柯是處花

嘉靖乙酉立春四日同何太華遊南川作

雪裏年光變風前喜氣迎出城花漸發得句鳥

多情野水明春竹林煙候曉鶯從今溪上路竹
杖與君行

春夜同友人宴何子宅

遲客春猶早彈碁夜未闌詩成雙劍豁酒罷一
燈寒泪沒從人世飄零倚釣竿勲名憐二子回
首望長安

雨晴牛頭寺

青山收暮雨赤坂落春泥上見花圍塢平看霧
起堤殿深巢野鴿洞古下山雞石磴穿雲過澗

迴路欲迷

獨往

獨往溪邊好青林拄杖看水光連野竹鶴影照
山冠世事雙蓬鬢風塵一釣竿與闌池上坐長
嘯答高歡

上牛頭寺

地偏能避俗心靜不離禪野竹分精舍青山入
梵筵石牀上雲霧香界接人天坐久塵緣寂回
頭見大千

陳都憲以甘肅功成進右副都御史還朝
過省下訪余于鳳栖別業因求葛巾野
服悵然有浮海之歎余喜其功成能退
不戾古人遂成小律一首并二野巾上
之

仗節懷明主還朝羨此身欲尋滄海客先戴白
綸巾戰伐名偏重艱危氣亦伸江湖吾道在終
起慰斯人

晚日溪上望北原作東管平田

天晴木葉下溪上不知還日晚收寒雨雲輕出
斷山野情雙鳥外秋水亂鷗間回首高原暮何
時共一攀

秋夜不寐

落魄甘吾事世情不忌閒詩魂銷白日旅夢落
秋山月照寒江半蛩鳴亂竹間長歌對尊酒感
激一開顏

野鶴

山雲開晚色野鶴下青田照影寒潭動長鳴落

日懸慣看當逕立解舞避人憐不到羅浮頂于
今又幾年

二

空林獨卧處野鶴往來頻明月隨人醉閒庭伴
我身松花雲外食榆葉島中春若念蓬萊頂應
同遠世塵

萬事

萬事一杯酒相看何用愁江湖自幽意天地一
虛舟詩句青山閣江楓白日秋生涯成底事投

老在滄洲

曉起

曉起意不盡看山興轉濃浮雲開斷壁旭日上
高峰暝色分江鳥秋光破竹筇孤懷人未識獨
坐倚長松

杜子美遊春亭坐飲東劉西陂

勝跡來相訪青山何處亭當年詞賦客此地幾
人經愁破春常在詩成酒易醒江行如有意同
泛水中舲

馬欽湖先生園亭宴集

編花通鶴徑伐竹置蜂房石洞穿蘿牖山園入
枳牆詩從幽處得酒任野人將倚杖衡門外看
山興不忘

建杜子祠作

并序

余別業在韋杜之間因訪杜曲有子美墓在
焉而其居爲鄉民牛氏宅古迹雖存而表章
未行遂請諸當道爲建一祠以舉祀事時嘉
靖丙戌春二月也因賦詩以識之

原隰開新廟衣冠卽舊鄉江山還俎豆草木自
文章詩法追前輩高名表盛唐後生如可畏他
日看升堂

送李秀才之揚州

送子天南去風吹萬里艤天邊探禹穴夜裏渡
吳江歌舞臨淮館魚鹽近海邦歸時春正好花
月滿船窗

冬夜訪許伯誠留飲

久別情何極相攀醉不辭卧留深夜榻坐索故

歷代詩選
明張正律
人詩捲幔星河動開窗煙霧垂平生潦倒興與
爾獨相宜

以詩代書寄京中舊友

朋輩憐今日京華憶舊時同趨青瑣闥先去白
雲司飄泊江湖遠攀歡歲月遲題詩寄遠道聊
復慰相思

七月十五夜對月遙思中秋都下之會倏

忽數載矣親友飄零山川阻絕感而賦

此

半夜杯仍把中秋月正圓故人俱異域歡賞不
同天素影銀河隔清光紫禁偏高歌一回首直
北是幽燕

雨霽

雨霽江樓望青山映晚霞秋光團野色詩興落
漁家坐看鷗歸渚遙知竹在沙江邊人獨去杖
底夕陽斜

秋雨初霽言懷寄薛君采

木落天寒候江明雨霽時長吟松樹底滿把菊

歷代詩選 明張孟翰
花枝野興河陽賦秋風漢武辭幽懷不同賞千里寄相思

送王起莘再赴揚州

問汝東南去何時到越鄉山川今駐節淮海舊飛航地古元吳會封遙自楚疆寒帷州父老別駕識王祥

冬日書院同教東谷胡蒙溪談詩有作

海內今相見談詩意未休羨君有高調謂我頗同流晝景連青竹秋光逼畫樓暇時一尊酒得

句定相酬

冬日招寺中飲不赴作此柬諸友

城寺路非遙玄冬景寂寥爭傳才子會孤負美人招日晚開龍藏天寒過虎橋無由陪笑語空對菊花朝

元夜留客飲席上詠尚山人送剪燈

上客終朝坐花燈入夜然剪時應費日看處更多憐風轉熒熒色春生細細妍月臨光不掩移向小簷前

歷代詩選 明別五卷
雨後同張文登登余山人樓

樓小不容席能看萬里山側身天地外極目海
雲間過鳥窺簷入飛霞抱雨還醉時一長嘯高
興渺塵寰

東姚韋西時韋西改永川令

入覲聞移秩之官喜過家相逢話疇昔回首惜
年華鶴伴青霄鳥花迎錦水槎狂歌興不減高
詠徧三巴

七夕詠牛女

天路憑龍輦風波仗鵲橋來歡今夕近去恨隔
年遙露冷雲鬟濕風生玉珮搖碧天明夜月相
對轉迢迢

迎旭山齋同周少安餞盧僉憲赴甘州兵

備

玉節駐秦川金尊列綺筵秋風吹漢水幾日到
胡天出塞曲應寄分曹句已傳高吟同二子何
惜醉留連

園亭晚酌

花暗風螢入林深野鳥過山塘藏白鷺石崦挂
青蘿露重衣從濕寒輕酒任醅幽棲自吾事覆
盞亦高歌

伯行園中詠鹿

念爾園中鹿雲林想舊遊松花千歲食榭葉萬
山秋誤落虞人手長蒙參養羞野情不相忌應
爲主人留

九日同諸友登北城樓

地迥登臨闊天空眺望幽山川秦帝宅雉堞漢

城樓浪飲茱萸酒狂歌菊蕊秋高風下木葉蕭
索舊皇州

陳九巖失鹿鹿始得也予旣作詩賞之其
失也又不得不招之也遂賦此

只喜馴人意那知在野心開門忽不見倚杖思
難禁雨落庭眠草秋空晚避林郊原在何處與
爾一相尋

八月十五夜南川對月感懷

宛轉生滄海遲回出絳河魄沾清露濕光逼翠

雲多鴻雁天邊去關山望裏過涼風吹不歇桂
影自婆娑

經未央宮

漢家四百載城闕此皇州一旦雄圖盡千秋古
蹟留黃山還北望渭水自東流薄暮經過日哀
歌恨未休

牛頭寺用承之韻

梵宇香山下王城定水隈仙輪隨日轉塔洞拂
雲開聽法神龍謁叅禪怖鴿來慈風吹寶鐸花

雨滴青臺覺路分金界迷津渡酒杯高僧千載
去錫杖幾時迴

九日牛頭寺懷遠

重陽攀靜域寶席坐金沙眺迥雲霄近登高殿
閣斜只因逢九日不是問三車雁塔凌丹嶂龍
宮隔絳紗萸房連貝葉菊蕊映天花避火終成
劫乘祥浪出家靈光團作蓋淑氣散成霞把酒
追陶令懸囊比孟嘉昔時同醉客寥落在天涯
午谷卷爲周少安賦

盤桓子午谷幽寂近終南念我欲常往聞君已
卜菴青春厭結綬滄海早抽簪來此仙人壑而
無俗士驂紫崖奔鳳穴碧水噴龍潭澆藥穿金
井爲林種石楠春冬分景象朝暮灑煙嵐肘後
方常試爐中藥屢探詩成鶴在眼棋罷笑生枰
勝地吾將去仙書孰與談鍾山侯周子廬嶽送
蘇耽他日畢婚嫁同君坐石龕

興慶懷古

景龍池接南山近興慶宮連北斗斜千載冠裳

逢此日百年臺館是誰家芙蓉闕下空啼鳥盧
橋園中但落花莫向尊前倍惆悵東風回首是
繁華

送蔣遊擊赴茂州

萬里曾懸驃騎營巴江旌節此橫行劒門一線
通南海閣道千盤阻北兵樹裏青山迎畫舫岍
邊春水浸高城封侯莫作尋常事諸葛當年有
大名

送范侍御汝和之甘肅

榆塞燕關萬里程至尊親遣繡衣行鳴笳暮入
雲中戍伐鼓春登塞上城探騎刀弓揚遠道衝
風鷹隼動高旌都亭久識埋輪意漢甸仍看攬
轡情

渡渭河望三原縣城作東馬溪田

兩重河遶東原路十里山迴北斗城沙岍津流
無客過石橋川漲有人行堞樓渺渺浮雲合驛
路迢迢遠樹平今夜美人應共酒相攀須問別
離情

春日郊行值雪憶何伯直

春風吹雪雪欲泥長安城南溪路迷寒鳥乍飛
山梅落凍雲不散飢烏啼桃花柳葉他自好玉
壺村酒誰相携楊州何遜那在眼悵望寒江獨
杖藜

送趙推官赴長沙

長沙道路今虛遠漢主空勞賈傳行夢澤雲深
秦雁早洞庭春漲楚帆輕隔江候吏撾津鼓之
郡官船報水程萬里雲霄看只尺早騎驄馬謁

承明

渡澧河東王紫閣康對山二先生

岼迴沙檻走風湍百里山城路鬱盤
畫舫晴開春浪穩籃輿斜照雪峰寒
碧山學士辭金馬紫閣仙人卧石壇
溪上草堂如許借相隨日日採芳蘭

過故穆清上人禪院

常尋靜域遠囂塵幾度相逢穆上人
白塔共登頻對酒青山獨往一沾巾
風來自動禪庭竹花

落空留劫苑春繫馬荒臺倍惆悵
不知何處悟前身

答孟望之約過平田莊次韻

天晴霜滿雁來初興在城東十里餘
携酒喜攀高士駕買山今見古人居
醉來轉覺青藜健老去驚看白髮疎
錦樹秋花仍爛熳不妨重過子雲廬

秋日山居

年來心事付滄洲坐倚高臺興未休
落日詩成

歷代詩選 明別五集 卷之九
山對我青天霜冷菊爭秋江湖忍斷杯中物勲
業慚隨水上鷗潦倒不關塵世事一竿長日弄
扁舟

建杜子祠祠偶出泉人異之謂非地脉之
良則神之感也余喜而賦此

少陵原下草菲菲杜甫祠堂靜可依忽訝買山
逢瀑出非關咒額見泉飛靈源巧鑿分青藹石
磴新穿灑翠微千載春亭今尚在東江舊
柴扉

夏日同諸友登城北樓遠眺

城上高樓返照紅炎天棟宇自多風雲連北極
朝廷迥山壓中原漢時雄千載金湯元帝壘萬
家煙火舊王宮黃河東下滄溟遠何日乘桴到
海東

再送陳伯行

中州山水自京華念爾東行路不賒千里移官
還舊秩十年回首滯三巴雲邊樹引雙旌直灞
上風吹萬柳斜今日漢文思賈傅高才肯使老

歷代詩選

明別孟獨

三十

長沙

送桑汝公赴浙江憲長

東行旌旆喜還家南指餘杭道路賒吳下山河
如錦繡越中樓閣似雲霞春風灞柳人初別落
日江城鼓亂槳滄海潮通銀漢水丰邊應許泛
仙槎

博我久雨忽晴少陵原南望東城中諸友

康樂愁霖坐晚楓故人幽意亦相同開門萬里
暮煙碧落日半江秋樹紅出水鶴鶩聲隔隔盤

渦鳧鷺羽戎戎興來把酒看山飲短褐長鏡計
未窮

山居招友人飲

落日空林挽釣槎柴門正對碧山衙地偏野草
燒寒牧歲晚愁鴟叫遠沙出郭頓憐塵事少看
山獨愛夕陽斜興來載酒如相訪韋曲終南是
舊家

閒居讀莊子感懷

閒居獨玩老莊書自愧浮名久案余回首宦情

同蝶夢百年天地一
蘧廬徒勞說劒身何補始
信觀魚道不虛渭水終南真隱地且將蹤跡混
樵漁

雪霽

雪霽看山興轉幽日華紅射碧山樓
飢鳥將子縱橫斗凍鶴開門散漫遊
恰喜野花曛醉眼須妨春水到林丘
終南好景同堪賞獨把漁竿上釣舟

宮怨

明月昭陽殿曾陪玉輦行
今宵花上月相對獨含情

深殿春花滿隨風落繡裳
不知花氣濕還作舞衣香

橫水斷橋

沙村春水生野橋望欲沒
听邊楊柳垂樹裏行人歇

黃華水簾

玉水瀉金宮日日仙門濕
隔水望雲門玲瓏不

可入

嶼峪金燈

翠雲繞碧峰相望何奇絕
雲裏金燈明山鬼吹
不滅

月下散步

地遠風塵隔江空木葉飛
山人有幽興踏月到
柴扉

送東谷子下山

迎君上山來送君下山去
若到紅塵中莫忘白

雲處

沙頭白鷺鷥

沙頭白鷺鷥飛向青山閣
日落行人歇還向沙
頭落

滴水

滴水漫成川浩浩多煙霧
日夕川上來果慳滄
洲趣

牛頭寺

夜來入古寺禪林深幾許
月明靜無人松下聞

歷代詩選
明
僧語

約平田西陂遊終南

不作看山笑汝歸十年鄉土夢空飛白雲紫閣
虛相映何日題詩到翠微

題山水便面

春江兩岼落春花十里青山映晚霞昨夜朝回
風浪穩片帆何惜到天涯

下山送王子入城

朝登南岳暮歸城十里青山無限情回首白雲

山上路不知何處與君行

春風二十九日寶意寺望滄西作

山上高城望欲迷萬家燈火夕陽低滄川無限
真堪賞不得乘舟過滄西

村居雜興

荒村茅屋對南山江上秋光醉裏還白日滿船
詩興好與誰同載碧湖灣

閒看雲物江邊意坐對菰蒲水上秋白鶴東來
解幽事孤雲一片下汀洲

題山水畫

幾間茅屋半牀書
几有青山食有魚
春到花開江正穩
小船來訪白雲居

望鶴

羨爾高標不受塵
慣看常與爾爲隣
梅花落盡無消息
寄與羅浮頂上春

觀瀾亭小酌

春風嫋嫋碧湖涯
湖上亭開萬頃霞
落日醉吟天更雨
滿川風浪失桃花

雨晴川上

乍晴天氣雨風涼
高柳繁蟬道路傍
十里山光明似錦
滿川秋景入斜陽

雁

平生不借稻梁肥
惟爾飄零羽翼稀
南邦自足江湖樂
莫到春來又北飛

閨中秋思答張伯純舉人

梧桐葉下曉霜飛
砧杵千家夜搗衣
搗盡寒衣人不見
雁聲何處復來歸

石倉十二代詩選

明三集卷四十七 終

石倉十二代詩選
卷四十七
終

石倉十二代詩選

三集卷七十八

襄毅集

大明

宜陽王邦瑞著

後學曹學佺閱

贈別友人

朝發滁山中暮宿淮水東
一日遂百里颺忽如
流風行行日已遠回首安可同
長歌願遲發歌
盡意無窮春風起東南
洛陽在西北鶯花如故
鄉山川明異國欲扳子車輪
徒留道傍轍內顧
亦百轉含情祗脉脉
携手豐樂亭駕言瑯琊寺

歷代詩選
卷之三
把酒愜歡情登高喟往事轉盼迹已陳邂逅良
不易一朝聽驪歌惘然起愁思春日敞離筵楊
柳載行色去去未云遙四方寧有極雄劍化龍
鳴寶珠發圓的清時重懷珍爾我各努力

七月十四夜宿公署

七月已幾望瑟瑟涼風興夜靜聞蟋蟀樹木皆
秋聲白露灑漢宇明月當前楹披軒念昨夜節
序何分明天地杳無言萬古倏以更人生非金
石老矣良惕驚四十不聞道百歲如無生紛紛

耀章甫異世安能榮仰觀千載上于今垂令名

悲

遊子在異鄉側身長悲哀已謂客心苦矧復秋
風來涼風吹戶闔蟋蟀吟空階中夜不能寐攬
衣起徘徊仰觀明月光俯顧影與偕秉燭簡舊
籍悠悠傷我懷亡弟有遺作年少青雲才先君
重手澤數字良足裁展視未云竟淚下心神摧
淒涼十載中墳墓成蒿萊父沒棄老祖弟死無
嬰孩孤蓬轉四海薄祿何爲哉沈痛坐嗚咽天

歷代詩選
命不可猜作歌訴穹蒼誰能知我哀

病中

鬱鬱不得志悠悠在他鄉一身既卧病舉室皆
徬徨老母輟寢食妻孥週其旁嗟余嬰多難愁
慟結中腸弱冠思賈誼白首悲馮唐豈無凌雲
翼世路多參商豈無濟川楫風浪何湯湯浮雲
蔽白日遊子天一方人生貴適志胡爲雙鬢蒼
薇蕨可爲食芙蓉可爲裳歸來無世競聊與赤
松翔

秋風

秋風鳴樹間自與衆風別高空振逸響庭宇生
蕭瑟瞬息起寒涼颯然罷炎熱吹我羅床帳娟
娟見明月獨夜不成寐徘徊萬愁結客心常在
家秋風一何索人生忽如寄胡爲自驅迫少壯
苦行役三十成衰白何不放情志來授赤松訣
平涼道中見賈人運敗絮貿之邊有作

千金買敗絮萬里投邊關問之何爲爾邊人多
苦寒母云敗絮惡邊人貴如綿三軍立冰雪十

軍九衣單敗絮那可得一日不再餐赤脚上羸
馬破甲盤空鞍強弓不能挽腰刀半爲鉛已無
生者氣况當死者間胡兒天驕子鷲鳥性所然
嬰孩卽驟馬婦女皆鳴弦健馬能蕃庶牛羊蔽
空山乳酪有遺棄委地輕裘羶弓刀比性命甲
冑何精完一胡牽二馬馬駿真如翰臨陣更迭
騎人馬安且閒長城時一至烽火亂相傳將軍
夜吹角帳下皆無顏驅此以禦彼勝負良可歎

關山

驅車上隴坂隴水鳴幽咽行人九迴腸坂盡愁
仍結長風六月寒吹動陰山雪道路半衣裘田
舍無新麥天地有殊方陰陽繆時節蜀道去何
遠秦川當此別層巒杳無際星斗亦隔絕徘徊
望故鄉愁雲千萬疊遊子何時歸念之寸腸熱

伏羗道中

曉發天水郡西行見城堡茅屋十餘家周垣亦
百堵門前挂弓箭墻上施樓櫓居處雜牛羊街
衢塞糞土危峰列戍臺疾騎飛傳羽一夕烽火

歷代詩選
至居人自比伍我從漢中來悠悠思往古迺知
邊塞風曠然異南宇此地戎馬區從來多荼苦
漢有隗囂據唐爲吐蕃部宋人扼金遼歲歲苦
侵侮干戈如鼎沸生靈飼豺虎皇天眷明德
聖作乾坤覩羗夷入版圖混一歸神武向來
蹂踐場禾黍皆靡靡承平思預防弭亂憂裨補
邇來胡騎橫深入臨洮府將軍慎一戰決策平
驕虜

山路

上山復下山道路何間關下臨深谷裏上入浮
雲端羊腸但九曲蛇逕何千盤細逕不盈尺鑿
石猶巉巉上有千仞石下有百尺淵可行不可
視一顧心神寒人行盡魚貫走馬若猿攀僕夫
緣獨木路窄肩輿寬加以積雨滑重以長風搏
草樹黯黯合陰氣皆迷天一身係安危只在跬
步間余年四十九知非尚未然

聞謫阻雨

秋雨何太苦滯我遠行人倚劔夜不寐束裝待

明晨展轉衷腸結徘徊焉所陳涼風吹戶闥蟋蟀傷心神層雲勢不解泥淖誠相因前有太華山浩浩龍門津欲渡無舟楫欲登摧車輪艱哉草茅士輾軻長苦辛

出關

湯湯河中水黯黯山中霧今晨出秦關喜是歸來路天地設重險河山自盤互詰屈摧車輪列馬無雙度回首睇長安如脫樊籠誤悠悠望洛陽彷彿見親故人生真蟬蛸誰能金石固胡爲

自銷鑠輕身事遠鶩靈均沈汨羅年少長沙傳君王豈不愛公卿一何怒睠維明哲士前幾妙深悟嗣宗但飲酒淵明有歸賦豈無經時策邈焉遺世務遐風不可攀徘徊結衷素

全懿歌爲陳棟塘乃堂作

客持母傳重流涕自言堂上題全懿傳者二泉信可傳讀罷感慨知母賢君不聞栢舟篇兩髦結髮與靡遷千載讀詩猶凜然又不聞黃鵠歌天命早寡哀情多雖有賢雄將奈何婦人從一

身乃終柏舟黃鵠真高風風高薄俗已難得况
乎全懿遭時窮泠泠陳母古貞烈弱笄洞聞書
史說刲股吞蛆事父母居喪慟慕身垂絕十年
乃字窈窕婦爲女既貞爲婦節遺孤未期夫淪
沒歲荒骨立家破裂于時抱志不可奪秋霜白
玉齊高潔四十餘年匪石心詩書教子良殷勤
刺史上書明大節清江萬里流芳聞龍章輝輝
下紫極鳳雛矯矯干青雲白首重憶經辛苦旌
恩令子事硯坊題不朽共竹帛斷織便當布

霖雨夫婦之義齊天地君臣父子俱同位山河
不改繫綱常日月垂光存節義吁嗟陳母今已
亡令德猶存全懿堂忠臣孝子義已盡教與嚴
父同其方作歌爲告丈夫者莫令婦女擅流芳
濠梁驛見壁間憫荒之作因歎有兒難賣
計應窮之句極爲可哀乃廣其意作歌

一首

憶昔壯年生兒時百方撫愛如珠璣生不十年
遭陽九老幼溝壑壯流離春旱火流連七月秋

水霖淫黃河決萬家城市江海漂千里焦枯溪
澗竭一歲凶荒三歲虛况復三四年餘山間
草木亦已盡水中蘋藻皆無魚夫朝携妾暮當
死妻啼告夫鬻其子曾不愛兒割母恩留兒三
人同飢鬼不惜恩情長棄捐出門惟傷兒賣難
道傷殍骨如山積家家有子皆無錢貧家賣田
苦難割寧如割身之肉骨割身啖飢苦奈何舊
村十家九已沒泉路悠悠頃刻分坐以待斃心
如焚相視相將不相拯九重高遠那得聞吾聞
長安多富俠一人豪奢萬膏血千金買雞鬪寶
坊萬金走狗試春獵彼也何幸予何辜吁嗟一
兒賣不得

海谷草堂爲鄭諸甫廼公作

浩蕩曾聞天馬山主人卜築當其間手植梅花
伴幽寂清風白雪凌歲寒少微星高臨鄭谷彭
澤孤松衛源竹素節惟令霜後知暗香獨占春
前馥梅開歲歲花常新草堂日月三千春鳳雛
翩翩舞堂下更喜調羹屬後人

傷流民行

吾聞連歲水旱關中飢今年更覩民流離二麥
不登冬未雪九夏無雨秋何遲昨出咸陽武功
道黃塵赤日無青草牛羊不牧羣賣兒空村老
樹雞豚少道傍絡繹流民行憔悴之顏愁歎聲
飢兒哭走牽其母老婦卧倒莫能興既如蜉蝣
待朝暮又如蓬轉隨長風吁嗟秦關形勝地中
原萬里資屏蔽內有八郡之間閭外有三邊望
供億邇來邊塞深可虞戍卒半減營空虛飛輓

不繼士馬飢胡塵一動如羊驅處處兵逃逃復
徙逃者何方徙何止河外烽煙愁玉關眼中溝
壑憐赤子我欲更上流民圖年年賑救年賜租
太倉內帑亦有限國家食貨焉能無自古揀荒
無上策徙薪一過須焦額湯旱終當六責回堯
災自倚九年積蒼穹浩蕩意何微安用河清麥
二岐但使萬方雨暘若先寬 聖主日宵衣
春雪行憫時作

皇帝二十有一年孟春九日雪初寒明日看山

出城郭六花已盡塵土乾去年春旱至八月青
虫蔽地蝗蔽天山川滌滌不忍見百姓轉徙村
無完十月強種愆時麥三冬未霑一片雪一雪
霏霏不盈寸井井無禽土膏竭往年冬麥壓隴
青今麥交春芽未生况有遺蝗子滿地眼前蔓
草同時興北人望麥勝望禾失我來麩愁更多
茅屋不存繭絲在正賦之外盈千科復聞山西
虜報急大河南北脩干戈飢饉荐臻軍旅動嗟
嗟蒼生苦奈何途逢父老無他事但說飢寒便

流涕飢死溝渠轉異鄉望望抹焚霏雨至到野
皆聞愁歎聲入城但聞絃管沸火樹煙花欲燎
空金尊玉碗皆含淚肉盡民膏酒盡血晨歌夜
舞供長醉一筵縣官十萬錢百萬不盡貴人歡
元日相邀二月盡相將未有不沈酣蘭陵美酒
三千里始信一鷺值二男諂者媚如狐驕者逐
如虎但知貴人樂豈知窮人苦萬戶蕭蕭春不
來殘于飛蝗暴于虜青帝明堂令豈遲浮雲白
日應難覩閭閻父老爾無吁閭闔遙瞻萬里餘

五陵豪俠爭誇美杞國憂人何太迂

農家行

農家忙苦忙於築場圃南疆地理競芟禾東隣
西舍皆鳴杼偃僂之腰不能伸豈但汗滴禾下
土黃昏飯牛至夜半出入戴星如馳羽晚蕎雜
豆怕久晴場中如梁却愁雨愁雨愁晴心兩懸
狼貪鼠竊安能數東家稻穗西放火不聞號令
空官府此時那憂百姓急紙票吏差何旁午木
綿花開足人衣紅顏落日盈筐歸秋風春杵五

更急家家婦子備晨炊富者恨無千歲樂貧者不

採三冬飢嗟嗟農家忙苦那可愁一年辛苦望

有秋五穀乾坤賤金玉九農放蕩輕王侯君不

見農家苦苦中樂當今 聖人天子建中和兵

革不興雨暘若今年收比去年豐米價頓減徵

輸薄九月十月場圃罷大家小家柴荆合綠水

青山在眼前隣雞社酒爭相速散髮披襟任所

之狂歌爛醉無拘束時從野妓聽琵琶自有牧

兒學羌曲農家樂樂如何鑿井耕田太古歌柴

歷代詩選 明王義彰
門睡起白雲散却笑紅塵忙苦多

贈張簿西還

洛陽之憂今多艱使君談笑拂衣還仗劍揚鞭
生慷慨脩然直下六盤山六盤山下開三徑隴
雲漠漠秋風靜黃花正對素落杯登高不待山
人送張君舊日稱雄才一官縣簿悲塵埃丰粟
折腰今已脫爲寫淵明歸去來

渡江

風急長淮水奔湍勢拍天山形隨浪起海氣渺

雲懸一楫當何事中流愧長年高飛雙白鳥過
去迥悠然

又

淮水風翻急危舟胡未停雲垂天漠漠浪入海
溟溟石峽悲行路山村靜野亭吏情艱若此飄
泊信浮萍

元夕後登盱山畱別

暝色通雲霧河流動漢星花燈猶綺陌簫鼓更
山亭離思春中雁登臨石上銘後遊渺何許把

歷代詩選 明玉齋

酒愧浮萍

龍泉寺印馬

古寺龍遊地江天接舊都五雲開牧院萬里見
雄圖雨氣鶯花靜風聲檜柏呼四方無戰伐歸
馬徧山隅

寄贈秦藕塘之周藩左史

太傅今非薄長沙往不慚鶴洲堪吏隱雲署憶
香含槎轉青霄上秋迴白雁南夜前宣室席莫
作鬼神談

迎官

孟秋苦炎熱騎馬况登山問爾緣何事晨行暮
未還萍梗隨微祿風塵愧壯顏沙洲雙白鳥飛
去杳難攀

比部牡丹盛開賞罷風雨遽作

春遶龍山勝花開粉署奇紫雲凝國色香霧散
瓊枝歡極須拚醉憐多欲賦詩翻疑走馬地洛
下有餘思

二

豔質將金縷濃香落玉枝
主人能愛客高晏得
幽期艷日元相映行雲定不疑
花神知慰藉風
雨夜來遲

三

不是風塵種惟開頃刻花
陽臺收暮雨飛燕上
朝霞拂檻猶堪賞含香亦自姸
春光回畫省對
爾識年華

秋日出太平門遊觀音巖

城出千峰曉江空萬樹秋
疎星垂漢宇多黍慰

田疇竹斷黃花續雲浮碧澗流
漸看東日上彷彿見滄洲

又

木落魚龍夜江危燕子磯
船曾鐵鎖上日盪水
雲飛森森連滄海悠悠坐翠微
大觀川在上吾
道信同歸

華山與陳朗溪秋官宴集

千峰雲並黑雨氣正蕭森
夜竹娟娟靜寒蛩細
細吟登臨憐楚客歌舞入秋砧
同是消魂者相

拚一醉深

出行值大風作

南北千山險驅馳亦兩難逢人皆要路憐我滯
微官倦極仍忘寢愁多幾廢殮飛鴻何自在日
暮傷雲看

思親

不畏登山苦難禁陟屺思三公元不易遊子欲
何之望月江流處看雲日暮時遙知昊天德更
切倚門慈

石泉道中

細逕千峰轉長江一水通鳴鼉虛谷振飛蓋野
雲同綠霽溪山雨青歸草木風隔林煙樹隱疑
似羽仙宮

馬道驛阻雨

已是連雲棧那堪風雨天正愁崑磴滑况復板
橋偏江吼雷霆怒林飛瀑布懸危途更無二瞻
望一潸然

六盤山

一覽千峰水層空上六盤行人長委曲直道此
艱難雪積煙雲白風高鼓角寒夕烽今不報萬
里自平安

同官道中

兩峽山如壁中流水百迴攀登無地上彷彿有
天開此處憐墟丹荒年但草萊數聞村夜哭風
急轉悲哀

宿靈山寺

向晚涼風起藤蘿引鷺峰斷雲遙霽雨虛壑近

鳴鐘殿繞銀河徧松穿寶月重鳳皇泉上夜獨
覺有神龍

望新鄉

冥冥暮雨歇野水亂鳴蛙雲積孤城暗煙含遠
樹斜泥塗悲駿馬霄漢滯仙槎却憶前年道新
春雪正花

宿廣化寺

不見龍門塔山迴隱鷺峰高僧耽寂滅春日喜
過逢榻藉藤蘿穩星臨殿閣重少陵有雲卧吾

夢亦聞鐘

立春日雪

鼓角迎春暉春同雨雪歸飛花迷玉樹舞絮遶
春旗却掃憐高卧披簑羨釣磯風光思郢曲此
調豈應稀

濛溪觀

幾度終南下登臨轉自嗟道人忘歲月客興落
煙霞觀閣十年夢風塵雙鬢華萬峰有仙徑何
處覓丹砂

行賑澄城

寥落春將暮非爲汗漫遊九重遭主聖萬里共
民憂離散思圖上谷詢欲涕流文章吾豈敢志
亦慕青州

慶陽道中

西北蕭條極羣山隱戍城高田鱗次薄茅屋羽
書驚雪作楊花舞星疑堠火明急風吹野哭誰
識遠人情

貴妃墓南有逆瑾墳庄

北有貴妃墓南開逆瑾墳君王能鑒戒婦寺定
知聞野日浮荒草高原起暮雲尚憐平盪日海
內已紛紛

固原

洛下歸心住長安却望家春天長雨雪晴日但
風沙愁入窺晨鏡悲添合暮笳無才甘命拙飄
泊是生涯

立夏日見杏花

寒國冬長在春歸杏始花乾坤雨露別日月照

臨遐萬里傷秦壘三城屬漢家古來無上策何
日靜龍沙

又

三月陰陰雪邊城不見春豈知雲物改才有杏
花新爛熳空庭色香風異域珍何須飄萬點一
片自愁人

華州有感

十年前此地猶記百花开一去瑤池夢青鸞竟
不迴風塵吹古柏暮雨落陽臺銀漢知何許悠

悠動我哀

棠蔭寺

舊驛今爲寺紅塵已入空
甘棠思召伯雙樹定禪宗
異代川陵別閒雲殿閣通
夜深重感慨聿幘坐松風

元夕

元夜雪初霽天衢月倍明
瑤臺飛寶鏡火樹繞銀城
星錯花燈色風傳簫鼓聲
祇因聞百戲泥濘強猶行

宜陽道中見縣令衛君新築渠成喜而有

作

老我西行路今來景物殊
清流抱城郭綠野變蓁蕪
灌鄴還如豹飛雲欲望鳧
才猷堪濟旱霖雨遍寰區

送縣令衛君考績

祖道風雲動攀車父老傷
使君有遺愛別去不能忘
酌水臨清路看山起太行
錦屏松柏在百世此甘棠

送郭玉峽司訓致仕

酒泉在天末多士正瞻依
念子方明陟秋風却賦歸
西山望行樂吾道有光輝
洛下門墻盛攀車未忍違

春日同諸子登盱山

萬里風流重盍簪帝鄉春日此登臨
川明淮海來天地氣合雲龍
占古今石出杏花山寂寂閣
通銀漢柏森森與高直到藤蘿外
北望長安動客心

友人夜酌

滄洲遙接暮雲長貝闕城雲亦渺茫
官舍春深花寂寂山樓暝合樹蒼蒼
寧將塵世論仙跡且喜山川在帝鄉
他日蓬柯何地轉今宵同對使星光

山中見桃李輒憶吾園

西望吾園倚碧山春明果樹花斑斑
不貪次第能秋實且憶芳菲坐晝閒
桃李異鄉翻笑客風塵何地破愁顏
及時為抱憂民策肯信浮萍天

地間

還滁值牡丹盛開

春山官舍花饒笑客子遲遲遠乍歸自有露香
供異國莫教風片點塵衣乾坤不斷杯中物日
月相將鏡裏輝吏隱寧知滄海大長年抱劍莫
邪非

冬日試士

朔風晚霧寒山色雪意侵凌晝日陰松檜遶堂
餘晚勁魚龍入夜靜江吟萬年未喪斯文脉多

士無忘大雅音爲國敢言說李在許身惟望比
南金

又

仲冬江北愁無雪此日風高霽曉陰豈謂名山
乏絃誦祇緣茅屋轉呻吟憂時試問賢才計吾
道寧爲鳥雀音長夜未應歌白石燕臺近已築
黃金

晚泛高郵月河坐船頭望珠瑚

微風曲港坐船頭落日蒼煙望自悠柳暗吳歌

歷代詩選 明王象參
七
牽百丈沙明漁火照羣鷗湖光瀲灩星垂澗石
斫盤紆月抱流天際無邊清興遠詩成忽覺在
滄洲

孫豐山別業見梅有懷故園

吏情能得簿書閒春日初登郭外山地勝主人
爲別業梅開邀我破愁顏垂垂漫憶鄉園色隱
隱如看水竹間千里有懷忙聚散對君仍向月
明還

士無寄趙守備

燕臺曾得見龍駒細柳今行識亞夫共說軍威
先俎豆居然文雅失孫吳寒風劒拂雙龍氣曉
月旂揮八陣圖萬里還聞推轂遣玉關行日報
平胡

夏旱

春日愁霖暗不開空憐六月旱爲災頻年赤地
緣何事野骨荒村重可哀龍隱柏潭空寂莫雨
依雲氣更遲迴憂民慢憶隨車潤自責應非牧
郡才

和兩洲公壯懷亭韻

幽谷高亭結凍雲夜遊雪色皎星文山川不負
籃輿興六一猶傳勝槩間石磴餘寒歷峻絕松
濤遙落挹清芬十年門下慚桃李更喜他鄉共
客樽

約遊觀音閣不果

清秋載酒出江干騎馬欲行盟竟寒不謂簿書
無暇日却令山水失奇觀星臨寺閣空聞說鶴
去雲霄恨羽翰向夜月明天更好孤吟城市一

長歎

九日遊靈谷

今年九日淒淒風白晝陰陰飛轉蓬不廢登臨
來寺谷却令雲物感江東醉看鴻雁遊天上卧
聽琵琶響地中莫向頽垣歎吳偉獨悲身世畫
猶工

其二

秋日秋山動客興百年懷抱但須開六朝寂寞
花仍發雙鬢風塵雁復來把酒共憐誰健句談

歷代詩選 明王義毅
空欲上鏡非臺他時吾輩登臨者長笑重爲萬
古哀

其三

登高須登山上頭望遠無過此地幽青天遙去
雁行急玉露不凋松樹秋谷涵四大乾坤轉寺
隱千林日月浮回首蒼梧閉金殿飛雲落水迥
添愁

答李少泉見寄

淮上風雲幾夢回海邊煙霧鬱難開長看北斗

青霄上却望關東紫氣來厚祿故人誰寄雁吳
鄉遷客獨登臺飄零幸有陽春調何日長歌對
舉杯

送樂大參致仕

北斗逢君猶恨晚滄江丹壑轉相違九霄却羨
仙槎上萬里愁看鴻雁稀禮樂誰能還向古圖
書自得始知幾淹留抱病謀升斗愧不青春作
伴歸

送劉克明還鄉

青春作伴歸江漢彩鷁遙看下石城天地蓬飄
悲往事古今雲散識浮名謾于幽燕憐香署却
向風塵感舊京別後定知林壑計閉門憂樂爲
蒼生

七夕

七夕何年隔女牛異鄉今夜總悠悠驚時又見
星辰轉恨別遙看河漢流天上支機寧有石誰
家持線謾登樓一年一會殊爲拙翻笑人間作
巧求

濛溪觀

碧溪遙下萬峰流仄徑攀登玉觀幽太華終南
今對面紫霄丹洞况經秋山寒鐘磬留仙蹟日
落煙霞動客愁白髮少年心最苦何如來傍赤
松遊

清禪寺

華嚴寶殿晝陰陰萬壑雲煙翠且深客裏簿書
長絆束眼中樓閣愧登臨山寒雪積應千尺地
湧花開定十尋回首終南不可到秋風听憤試

歷代詩選
孤吟

七夕

今年七夕秦中過憶昨金陵總異鄉織女牽牛
天自轉月華津影夜何長不堪節物添秋興漫
指星辰望洛陽却怪世人長乞巧綵樓簫鼓亦
荒唐

乾陵

陵上蕭蕭山自空蛟螭已斷不銘功玉魚曾擇
乾坤地石殿長吹草木風落日清秋來牧豎閒

談往事有村翁九原唐帝還傾國千載興亡恨
未窮

鎮原道中

萬壑流雲通朔漠千盤細徑俯秦川愁臨澗谷
深無地忽上藤蘿別有天白日雄圖蟠虎豹青
春遊子隔風煙遙看玄圃連西極十二樓臺愧
俗緣

王母宮

海邊曾眺望仙臺此地猶傳青鳥來雲去五城

空日月山還二水接蓬萊茂陵玉盃何時出方
士樓船竟不回漢武秦皇皆宿草肯將民事盡
雄才

藍橋舖和壁間舊韻

四月山行萬木陰藍橋縹緲入雲深千厓道路
應長在八載間關此更臨鎮日笙歌聞異鳥因
風蘭芷散長林停車又見題詩處每向天涯愧
客心

金州和楊遂菴王虎谷韻

旅泊孤城又曉鐘千山歷歷漢江東簾櫳猶送
秦關月蘭芷遙憐楚澤風十載愁看青鏡改寸
心惟有白雲通王楊振鐸重來地仰止深慚化
雨功

雨中發金州

夜雨傾盆曉漸微客心征旆傍雲飛風塵路遠
功名薄甲第年深故舊稀却向巴山尋鳥道還
於漢水羨漁磯求賢報 主慙無補回首滄浪
欲賦歸

柴關雨中望柴柏寺和松臯韻

古寺雲深草樹斑
碧溪遙下翠峰環
雨花不見林中落
飛錫空瞻天際還
萬里歸心同鳥倦
千厓峽路笑猿攀
諸天豈是風塵到
回首藤蘿霄漢間

鳳皇泉

細雨懸厓有萬松
孤雲舊寺隱千峰
池含竹樹猶來鳳
日落陵園想卧龍
萬里登臨誰感慨
百年吾意本踈慵
良辰勝跡頻回首
却望西原意

轉重

孟津渡河

黃河東下海茫茫
渡爾猶憐道路長
積石風雲通漢影
南山草樹盪波光
百年多病長爲客
萬里逢春轉異鄉
敢謂孤身同砥柱
空悲九曲似羊腸

單懷館對雨有懷何柏齋公

薄暮蕭蕭雨不休
亂雲孤思兩悠悠
閒看乳燕歸高棟
忽聽悲笳轉戍樓
河內卧龍猶未起
海

歷代詩選 明王象
邊驅馬更何求百年世事堪流涕芳草萋萋奈
爾愁

元夕夜行

他鄉令節幾逢迎今夕重憐道路情風亂栖烏
楊柳暗沙寒疲馬露華清荒村不解觀燈樂野
店時聞戍鼓鳴獨有輝輝天上月夜深猶自伴
人行

內黃城外寺

內黃城外靜雲山蘭若青青萬柳間遂有老僧

來逐客却令遊子破愁顏森森殿閣孤雲遶寂
寂松杉野鶴還茶話未終驅馬別浮生堪笑幾
時閒

望牛山

東來不見青山久忽對牛山感慨重海嶽風雲
通萬里王侯墳墓伴諸峰路難何處悲遷客雨
霽斜陽散野農伯業至今稱管晏詩亡千載一
奇逢

雨懷奉和西平公韻

愁客山城雨不開空庭落水下荒苔
飢鳥並集戍樓晚朔雁長鳴塞國哀
白髮憐余猶浪迹斤砂慕子卽仙才
異鄉共有悲秋興日暮清尊且未廻

病中辱王丁二子見顧信宿乃散

海上飄零愁作病山陰意氣強追歡
莫辭玉漏春宵短更把金樽曙色寒
戎馬况聞關塞急軍儲應畏簡書難
不因知己淹畱醉懷抱何時得放寬

北城樓飲餞

城上雄開百尺樓山河原是帝王州
傳聞漢闕皆新樹指點秦宮半古丘
萬里長年胡馬急三軍何事鼓鼙休
離筵正有悲秋興老大應慚筆未投

渡漆沮

漆水遠從沙塞落丹崖高並峽雲開
岍垂花柳杯中度日轉旌旂鳥外來
野老尚堪聞擊壤世人何必訪蓬萊
無才自愧風塵暮萬壑千峰首

重回必如舊來無木自新風塵暮滿空千劫首

慶陽周不窋建都處

千古生民憶厥初慶陽風景近何如山川寂寂
猶陶穴禾黍離離覽故墟城下草腥新血戰村
中木落正蕭疎年年諸將防秋急何日平胡罷

羽書畢楚葉木凋發五石悲歎與楚大歌神

王少叅金山圖

昔遊曾覽金山勝今日重開江上圖夢裏舟航
堪指點眼中樓閣似虛無十年使節心何遠萬

里登臨興不孤碧海滄洲寧異此淹留却愧轉
迷途

聞兵憲王公破賊喜而有作兼呈郡守葛

公

羽書忽報綠林空一鼓三軍虎豹雄信是釜魚
歸烈火還看枯葉捲秋風襄城戰績憑王翦洛
下仙翰仗葛洪老我山中能穩睡太平籌策謝
羣公

聚仙觀別業

清流一曲萬山圍古迹幽深到客稀門外垂楊
如自植沙邊鷗鳥恰同歸暮雲不散封丹洞曉
日纔看上翠微卽此高居堪避俗更於何處羨
漁磯

用昨夜月同行韻

寒飈吹鴻雁轉盼日已昨會合能幾時願君更
深酌

漢陰院中芭蕉

一葉纖羅綻因風翠欲飛楚山畱暮雨莫遣濕

仙衣

贈絳州張秋泉居士歸西

萬里奇觀一葉舟清江無事泛清秋歸來爲問
山中客何似浮槎天上遊

涇州和洪洋韻

將軍自失河南地胡騎長驅塞北山聞說燉煌
西萬里漢家還有玉門關

隴坂

隴坂愁雲覺路迷行人立馬意棲棲林間鸚鵡

通言語學得江南杜宇啼

貴妃墓

玉顏金屋宋朝分野草荒山此地墳不是君王
忘舊寵安危今日仗三軍
上皇老去不堪哀夢裏還登墓雨臺寂莫故宮
絃管絕招魂空使候蓬萊

石倉十二代詩選

三集卷之四十八 終

程